



UNIVERSITÄTS-
BIBLIOTHEK
PADERBORN

Universitätsbibliothek Paderborn


Opvscvla Petri De Marca Archiepiscopi Parisiensis

Marca, Pierre de

Parisiis, 1681

Widmung

urn:nbn:de:hbz:466:1-14704



ILLVSTRISSIMO
DOMINO D.
FRANCISCO HARLÆO
ARCHIEPISCOPO
PARISIENSI.

MAGNOPERE
peccare mihi vide-
rer, ILLVSTRSSI-
ME DOMINE, si
opuscula isthac il-
lustriſſimi viri Petri de Marca
Archiepiscopi Parisiensis emissurus
ā ij

EPISTOLA.

in publicum, ea alteri dedicarem
quām tibi, qui ē olim praeipuo quo-
dam amicitia vinculo illi junctus
eras, ē magnæ Ecclesiæ, cui ille
secundum sapientissimi Regis judi-
cium præfectus à summo Pontifice
fuerat, gubernaculum tenes summa-
cum omnium laude. Accedit ad
hac quòd cùm ego tibi multis nomi-
nibus addictus obstrictusque sim,
tuque altiori in fastigio constitutus
sis quām ut ulla par gratia referri
tibi à me possit, velim tamen, si fas
fuerit, aliquod grati animi mei te-
stimonium extare, nihil à me con-
venientius huic meo instituto fieri
posse arbitratus sum quām si id ef-
fecero per occasionem editionis ali-
cujus eorum librorum quos in vul-
gus dare decrevi. Cùm vero inve-
stigarem ecquemnam potius elige-
rem, qui ē testis esset mea in te ob-

EPISTOLA.

servantiae non indignus qui tibi
offerretur, venit in mentem ut istas
dissertationes clarissimi & erudi-
tissimi decessoris tui, quas ille ve-
luti supremis testamenti tabulis
apud me moriens depositis oppor-
tuno tempore publicandas, sub fe-
licibus tui nominis auspiciis evul-
garem. Existimo autem illum, si,
ut plerique putant, anima beato-
rum hominum è cælo vident qua
heic à nobis aguntur, non solum
non improbare hoc factum meum,
sed etiam comprobare, dum vide-
licet repetit res à te præclarè ob eus
oculos gestas & amicitiam qua in-
ter vos fuit dum beata illa anima
corporè mortali vestiebatur. Videt
vir omnis divini humanique juris
callentissimus nihil tam æquum ac
rationi consentaneum esse quam
ut decessoris bona perveniant ad

ā iij

EPISTOLA.

successorem. Cujusnam igitur no-
men potius quam tuum, VIR IL-
LVSTRISSIME, inscribendum esset
in fronte istorum opusculorum, sa-
nè non video. Nam si illorum præ-
terea, ut par est, argumenta spe-
ctentur, sunt omnia de rebus sa-
cris & ad religionem summi Dei
pertinentibus, adeoque digna qua
magno sacrorum antistiti offeran-
tur, tibi inquam, ILLVSTRISSI-
ME DOMINE, qui principalem
Gallicanæ Ecclesiæ cathedram te-
nes, & qui reconditionis ecclesia-
sticæ eruditionis mysteria facili &
eruditæ manu tractas, universis-
que viam commonstras quam se-
qui oporteat eum qui in hujuscemodi
studiis progressum aliquem
facere velit. Non loquor de pie-
tate tua in Deum, de caritate erga
gregem in quo te spiritus sanctus po-

EPISTOLA.

suit ad regendam Ecclesiam Dei,
non de fide in Principem, neque
de ceteris virtutibus tuis, quæ mul-
tae & magna sunt, neque demum
de illa morum facilitate quæ tibi
conciliat omnium qui ad te acce-
dunt reverentiam & amorem. Si-
leto tot tua illustria facinora in con-
ventibus Episcoporum Gallicano-
rum edita, in quibus toties præ-
sedisti ut te optimo jure conferre
liceat cum magno illo Osio Episco-
po Cordubensi, quem sanctus Atha-
nasius Episcopus Alexandrinus
testatur omnium ætatis illius sy-
nodorum ducem & antesigna-
num fuisse, multos à veritate aver-
sos in suam sententiam pertraxisse
recta tuendo, ac vix ullam tum
fuisse Ecclesiam quæ non præsi-
dentiæ illius pulcherrima monu-
menta retineret, quem nullus

Athanas.
apolog. de
fuga sua
pag. 703.
edit. Paris.

ā iiij

E P I S T O L A.

mœstus adiit quin lætus abierit,
à quo nullus quicquam postula-
vit quin postulatum obtinuerit,
Vides, ILLVSTRISSIME DOMI-
NE, tecumque omnes videmus ima-
ginem tuam in his Athanassi ver-
bis; ut necesse non sit ea per partes
explicare, sed ad ea digitum in-
tendisse sufficiat. Itaque super-
fedeo, & ad institutum meum re-
deo, ad opuscula nempe clarissimi
decessoris tui, quorum hanc editio-
nem te obsecro uti tuo favore pro-
sequaris. Deus te per multa tem-
pora servet incolumem ad laudem
& gloriam Ecclesie sue sanctæ &
ad patrocinium virtutum ac lite-
rarum.

Lutetiae Parisiorum xv. Kal.
Februari. M D C L X X X I.

STEPH. BALVZIUS.